



Doris Jakobsen Jensen
Inatsisartunut ilaasortaq, Siumut

Nunani allani ilinnialernissamut ilinniagaqarnersiutit pillugit § 37 naapertorlugu apeqquteqaammut nr. 70/2023-mut akissuteqaat

Ulloq 11-04-23
Suliap normua 2023 - 7130
All. nr. 22922205

Asasara Doris Jakobsen Jensen,

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Inatsisartut suleriaasiat naapertorlugu apeqqtinnut qujanaq. Apeqqutigineqartut tullinnguuttuni akissuteqarfignissavakka.

Apeqqut 1: Nunani allani ilinniagarerusutaaq, Danmark-imi ilinniarneqarsinnaappat, Namminersorlutik Oqartussat aqqani Nunanut allanut ilinniarsinnaaneranut taperneqarsinnaanera taavalu ilinniagaqarnermusiaqarsinnaaffigineqarnera, suli periarfissatut atuuppat?

Akissut:

Danmarkimi ilinniartoqarsinnaanera nunami allami Kalaallit Nunaannut attuumassuteqartumik ilinniarnissaq ilinniagaqarnersiuteqarnissamut aporfiumngilaq, matumanilu atuartitsinermit akiliutinik matussuserneqarneq, ilinniagaq nunami allami pineqartoq Kalaallit Nunaannut inuiaqatigiinnut iluaqutaasussaana appasinnerungippat Kalaallit Nunaanni Danmarkiluunniit ilinniagaqarnersiuteqarluni ilinniarfennut allanut naleqqiullugu. Ilinniagaqarnersiutit pillugit Namminersorlutik Oqartussat nalunaarutaat nr. 9, ulloq 19. juli 2017-imeersumi § 14, imm. 4, nr. 1-imi tamanna allassimavoq.

Ilinniagaqarnersiutit pillugit nalunaarummi pineqartumi aalajangersagaq pineqartoq taamaalilluni aalajangersakkami sinaakkutinik aalajangersarneqartumi aningaasatigut ikiorsiisoqarsinnaavoq atuartinneqarnermit akiliutinut akiliinikkut, aamma assingusumik imaqartunik ilinniagaqaraluarpuunniit akiliisitsineq ajortunik. Tamanna ilinniarfennut ingerlariaqqiffiusunut taamaallaat atuuppoq, taamaalilluni ima paasineqarsinnaassalluni ilinniartup ilinniagaqarnersiutit qiortartakkanik pisarnissaa piumasaqaataassasoq, tak. nalunaarummi § 14, imm. 4, oqaaseqaatip aappaa. Piumasaqaat taanna atuuppoq, ilinniagaq Kalaallit Nunaanni, Danmarkimi nunaniluunniit allani neqeroorutaagaluarpat.

Akerlianilli nunani allani inuussutissarsiutigalugu ilinniarnerruppat, taamaalilluni, soorlu uani suliami taamaattoqarsimasoq, apeqqummi isummerfiginiarneqarpassittumi, tassa ilinniagaqarnersiuteqarsinnaassaaq qaammatikkaartumik tunniunneqartartunik inuussutissanut, immikkut akiliutinut, matumani akiliutsilluni angalanernut, kiisalu ataasiartumik attartorsinnaanermut matussusiisussanik.

Kalaallit Nunaata avataani ilinniakkanut ilinniagaqarnersiuteqarnermi piumasaqaataavoq ilinniartoq Kalaallit Nunaanut attuimassuteqassasoq, tak. Ilinniagaqarnersiutit pillugit Inatsisartut inatsisaanni nr. 12, 22. november 2011-imeersumi, § 4, imm. 1, Inatsisartut inatsisaatigut nr. 16, 6.juni 2016-imeersukkut allangortinneqartumi (ilinniagaqarnersiutinut inatsimmi).

Aamma Kalaallit Nunaata Danmarkillu avataanni ilinniakkanut ilinniagaqarnersiuteqarniaraanni piumasaqaataavoq Naalakkersuisunit Ilinniakkat ilinniagaqarnersiuteqarfiusinnaasutut akuerineqarsimappat, tak. ilinniarneq pillugu inatsimmi § 8, imm.3, tassani allaqqalluni ilinniagaq sivikinnerpaamik qaammatinik pingasunik sivilissuseqassasoq, tamakkiisumik atuartsinermut aqqissuunneqarsimassasoq Kalaallillu Nunaanni suliffittaarnermik naatsorsuutaassasoq, ilinniarnissamut piareersaataasutut ilinniarnertut inngippat.

Aammattaaq ilinniagaq ilinniarfimmi pisortat akuerisaanni ingerlanneqarpat, imaluunniit suliamut tunngatillugu imarisamigut, pisortaqaarnermigut, ilinniartitsisoqarnermigut avatangiisimigullu pisortat ilinniarfiinut pitsaassusissamik piumasaqaatit atuuttut naapertorlugit naammaginartumik pitsaassuseqarpat.

Ilinniagaqarnersiuteqartitsineq pillugu inatsimmi § 8, imm. 3 malillugu ilinniarnermi ilinniagaqarnersiuteqarnissaq toqqarnagu Naalakkersuisut ilinniagaqarnersiuteqartitsineq pillugu inatsimmi § 12 malillugu inuttut ataasiakkaatut tunngaveqartumik aalajangiisinnaapput ilinniartut ilinniakkaminut peqataanissamut ilinniagaqarnersiuteqartitsinngitsunut, Kalaallit Nunaata ilinniakkamit tassanga sulisussanik pisariaqartitsippat, ilinniartoq assinganik ilinniagaqarnersiuteqartitsinnaasumi aallartissinnaangippat ilinniarnertu aqqissuunneqarlunilu ingerlanneqarsinnaappat tamakkiisumik ilinniarnertut.

Tassunga uiggiullugu oqaatigineqassaaq ilinniarfiit ilinniagaqarnersiuteqartitsisinnaasut amerlanersaat akeqanngitsumik ilinniartitsinermik ilaqarmata, ilinniartup ilinniarfik atuartsinermut akiliuteqarfigissanagu. Akiliilluni ilinniarfiit amerlanertigut Kalaallit Nunaata Danmarkillu avataanni neqeroorutigineqarnerusarput, tassa akiliisitsillutik ilinniartitsisartut.

a. Nunani allani ilinniagarerusutaq pineqartoq, Danmarkimi sassaallutigineqarsimanera pillugu Nunani allani ilinniagarisinnaanissaanut taperneqarsinnaajunnaarnermut tunngavilersuutitut atorineqarsinnaalersimappat, qanga sunalu tunngavigalugu tamanna itigartitsisalerneq atuutsinneqalersimava?

Akissut:

Ilinniagaqarnersiutit pillugit nalunaarutip 1. august 2017-imi atuutilinnginnerani nunani allani akiliilluni ilinniarnermut ilinniagaqarnersiuteqartitsisoqarsinnaasimangilaq Kalaallit Nunaanni Danmarkimiluunniit ilinniagaqarnersiuteqartitsilluni ilinniakkamik assingusunik imalinnik ilinniarfeqareersimangippat, tassa ilinniarnissamut piareersaataasumik, inuussutissarsiuugalugu ilinniarnermik kiisalu ingerlariaqqiffiusumik ilinniarnertit ilaallutik. Politikkikkut tassunga kissaateqartoqarnera tunuliaqutaralugu nalunaarummi atuuttumi allangortinneqarpoq Ilinniagaqarnersiutit pillugit Inatsisartut inatsisaat nr. 12, 22. november 2011-imeersumi ilaatigut § 8, imm. 4 oqaaseqatigiit aappaat aqqutigalugit, tassaniilu allaqqavoq Naalakkersuisut immikkut aalajangiinermikkut Aalajangiinermi

ilinniartut ilinniakkami assingusumi ilinniagaqarnersiuteqarfiusinnaasumi ilinnialersinnaanersut immikkut eqqarsaatigineqarsinnaasoq. Assinganik aamma Inatsisartut inatsisaanni § 12, imm. 1 oqaaseqatigiit aappaanni allaqqavoq Naalakkersuisut ilinniartut ilinniakkanut ilinniagaqarnersiuteqarfiunngitsunut peqataanerini ilinniagaqarnersiuteqartitsiniarlutik aalajangiisinnaasut, ilinniartoq ilinniakkami assingusumi ilinniagaqarnersiuteqarfiusinnaasumi ilinnialersinnaanngippat.

Inussiarnersumik inuulluaqqusillunga



Peter Olsen